

枝江縣志卷之三

地理志 下

隄防

北門外舊有石磯名雞翅勝西北城之衛也後坍

廣家垸在縣治江北嘉慶年間築民地內兼松宜二縣
關洲隄乾隆年間築內俱民地

漏洲西垸乾隆年間築內有學田一區坍塌殆盡民田
一區存十之三餘俱左衛地乾隆五十二年大水漲
半沙壓嘉慶二十四年詳請免糧道光七年砌石漲

枝江縣志

卷之三

地理志下

三十餘丈

漏洲東垸乾隆年間築內有王田及左衛地與西垸毗
連

壩洲隄乾隆年間築有閘俱左衛地道光七年北岸隄
坍縣令謝丕績督築新隄百二十丈有奇

羊角洲隄康熙年間築俱左衛地道光八年縣令謝丕
績督修

三公隄卽澌洋洲隄明萬厯中縣令趙善鳴司理耿志
偉太守胡一鴻三公捐廉協修故名中亘橫隄因名

曰澌洲垸洋洲垸俱有關係民地
南河壩垸在澌洋洲南岸民地乾隆四年縣令王世爵
築有閘

新垸在澌洋洲首民地雍正十一年縣令傅琛築有閘
上百里洲隄前明時洲民龔春臺倡築萬曆四十年縣
令錢奏勳令民於大隄外築拒浪小隄植楊柳爲衛
險處砌石作湫立法最善經明季兵燹民伐楊柳爲
薪石亦崩落隄防大弛

國初縣令李花白曲允斌田禹稼周廷桂葉淑衍常文
棧江縣志

卷之二

地理志下

二

質相繼修理時築時圯爲害甚深康熙四十二年洲
人楊際會姚溶路飛霄胡瓊士等以地廢民流等情
呈請邑令孔毓基通詳各憲復行補修於四十三年
十一月經始至四十六年畢事計土方一十五萬有
奇隄復完固先是戎府估工取冊胥役頗擾民總督
滿公丕頒發條例有自修自衛毋俟官估造冊報部
之諭士民楊浩路飛霄曾明吉等奉諭勒石並設冊
老一名總圩四名推田多而歷練者當之按總分大
小立圩老圩甲逐年更代每歲秋杪彙造土工完欠

清册新舊總圩驗明交代如某處宜幫補某處宜改築某處宜石砌本年十月起工次年二月告竣但據實報縣我府不與焉百餘年來晏然無事道光十年水溢隄潰廬舍人民漂沒無算繼以饑饉相仍隄又大廢洲民屢請修築以工鉅費絀不果咸豐六年縣令張長泰謀興復又以軍務倥傯未竟其事八年縣令朱錫綬督率洲民通力合作將次告成十年大水功復虧於一篲此前後數百年洲隄之大畧也其瀉水之閘在洲尾流店驛明萬曆二十六年縣令周仲

枝江縣志

卷之三

地理志下

三

士建三十七年縣令劉廷論重修明末圯

國朝順治十五年縣令田禹稼復修閱五十餘年土石淤塞積潦爲災康熙五十七年洲人具呈修治五十九年閘成至道光十年後隄廢而閘復塞外淤日高內漬愈下咸豐九年籌加新閘於老閘上面旋開旋淤迄無成功欲其疏洩暢達專望後之留心隄務者下百里洲隄順治初值吳逆之變隄潰閘淤水患頻仍民居靡定康熙二十二年後隄與閘次第修舉嗣是桑麻禾黍頓成沃野民利賴之至道光二年隄決民

困如初六年縣令謝丕績莅任捐廉飭修親臨董勸以江陵三總人懷觀望申詳府憲裕飭令協修較上百里工稍易惟沮漳之水一發莫遏勢與江頡頏工在兼顧垸內有閘二上閘瀉楊林湖積水閘末建國朝康熙三十八年重修下閘瀉文章滄港二湖積水明萬曆八年縣令余能繼建

國朝康熙五十八年重修爲今計築隄兼理閘是爲急務

按百里洲南濱大江北帶沮水延袤百餘里水經注

枝江縣志

卷之三

地理志下

四

盛宏之曰縣左右有數十洲盤布江中其百里洲最爲大也中桑田甘菓映江依洲太平寰宇記荊州圖云其上寬廣土沃人豐陂澤所產足穰儉歲又按百里洲統上下洲而言中分以沱古時本一葦可杭陸放翁入蜀過百里洲泊沱澹謂沱爲江別名詩江有沱禹貢東別爲沱澹則爾雅春秋夏有水冬無水之澹沱澹並言其爲細流益見後水道日徙日開遂有上下百里洲之分上百里洲分九總曰古畢曰徐舊曰庾臺曰楊輝曰甯白曰華流曰香渡曰蕭罐曰馮

口下百里洲分十一總三總隸江陵曰洪山曰墳林
曰滄港八總隸枝江曰曬谷曰桑家曰蔣斗曰興山
曰磚灘曰木隄曰楊林曰構林

黃塚湖垸在百里洲南岸康熙四十五年縣令孔毓基
築

戴家垸在黃塚湖下亦名戴家城相傳爲楚藩儲糧處
嘉慶年間築後水圯同治五年改築麗新垸

彭陽垸乾隆時築左衛地

義興垸在董市東北五里民地嘉慶初縣令程永冽築

枝江縣志

卷之三

地理志下

五

長甯垸濱大江雍正十年縣令傅塚築

長樂垸軍地乾隆時築

四收垸兼軍民地舊名四安雍正元年縣令陳惠榮築

易今名

福興垸濱大江乾隆三年縣令王世爵築地兼軍民道
光二年後水圯六年縣令謝丕績捐廉興復

義興垸

永興垸

長泰垸乾隆年間築

上和垸

東嘴垸明隆慶二年縣令冷文煜築

復興垸舊名復隄兼軍民地并遠安所乾隆年間築

以上六垸濱大江地兼軍民

瓦窰湖垸濱沮漳兼軍民并江陵地康熙五十年縣令張聯星築

太平垸濱沮漳兼軍民并江陵地內有西湖鵝湖乾隆五年縣令王世爵築

保甯垸濱沮漳兼軍民并江陵地內有陶家湖官柴湖

枝江縣志

卷之三

地理志下

六

乾隆二年縣令李恂築

塚子湖垸濱沮漳與保甯垸隣兼軍民并江陵地康熙

五十一年縣令張聯星築

永豐垸兼軍民地乾隆年間築

婁洲垸兼軍民地乾隆年間築

世興垸兼軍民并江陵地嘉慶時築

朱家橋垸民地嘉慶年間縣令楊承懋築

以上諸垸沮漳水盛則自瓦窰湖下無完隄大江水盛則自義興而下俱波及之故自百里洲而外

特詳列焉

堰壩附

千弓堰 大溪壩 李家壩 胡家壩 鍾家壩

甯家壩 郭家壩 宋家壩 蔡家壩 花溪官壩

石龍壩 筭子壩 黃土壩 五蟲壩 劉家泉壩

張家壩 鶴巢壩 李榮壩 映月壩 江四壩

何家壩 萬友壩 瓦剎壩 李官壩 草達壩

楊五壩 孫家壩 沙洲壩 楊家壩 牛渡壩

石獅壩 大湖壩 侯家壩 新興壩 蕭家壩

枝江縣志 卷之三 地理志下 七

漁洋壩 黃陂壩 李陂壩 長沙壩 張家壩

王家壩 鱖魚壩 杜陂壩 褚陂壩 瓦口壩

佛善壩 何馬壩 陳老壩 白馬壩 野豬壩

丁家坑 下盤壩 土陂壩 大湖壩 牛渡壩

新陂壩 上盤壩 白陂壩 長陂壩 土官壩

蓮荷壩 符賤壩 于王壩 陳家壩 董馬壩

石堰壩 唐沙壩 大河壩

隄防考畧江水之患全在荆鄆夾岸南北凡六縣北岸則江陵監利官隄凡四萬九千餘丈南岸則枝江

松滋公安石首官隄凡五萬四千餘丈明嘉靖庚申江隄大壞其最衝者則枝江之百里洲松滋之朝英口江陵之黃潭虎渡公安之審頭鋪艾家堰石首之藕池諸隄每年修築迄無成功至嘉靖四十五年丙寅十月荊州知府趙賢估工請築歷三冬至戊辰六縣諸隄始就乃立隄甲法每計千丈設隄老一人五百丈設隄甲一人每十丈設一夫令其夏秋守禦冬春修補歲以爲常

邑貢生曹廷鑑之言曰上百里洲隄防肇自有明四

圍臨江國初地荒民少隄塍傾圯雖時有修補而東築西潰年年被水康熙二年癸卯八月初二日大水平隄潰決四出洲隄衝塌殆盡人民流散墟里蕭條後雖修築潰決時聞康熙七年戊申七月決古城腦洲之上流也水渟洲中十月不消二麥無從播種洲人共議下決安家口以洩水勢時有土豪構釁不日決隄放水反捏違旨掘隄大情誑控上臺獄訟連年被累者甚衆夫築隄原以禦水而水不能禦反受其累由是洲人共具下情以五利三害告爲廢洲情愿

納糧當差詳載碑記康熙十四年乙卯洲地南陷水患頻仍重以吳逆蹂躪十室九空滄桑頓易十八年己未正月賊退洲民復沾

王化二十年辛酉七月大水下決江陵黃潭洲民受害甚酷三十五年丙子七月十三日水大如前二十年時四十二年癸未洲民呈請自行修築邑令孔毓基申詳各憲將百里洲隄附沿江大隄之後歲歲修築是年起工至四十三年冬始竣初置木閘爲權宜計四十九年庚寅再易石閘以圖永久五十三年甲午

枝江縣志

卷之三

地理志下

九

大水下百里洲隄潰而上百里洲無恙由是年年幫築洲民自出夫役定爲常例

王志曰周禮地官之職命遂人掌邦之野凡治野之法一夫爲井夫間有遂遂上有徑十夫有溝溝上有畛百夫有洫洫上有涂千夫有澮澮上有道後世井田旣廢溝洫川澮之制不講而水利之政荒矣枝邑外江內湖高原下濕計畝五十萬有奇而洲渚之地十居四五故堰墻之在枝者視他邑爲重若能謀蓄洩之利則緩急有備而天道之恒陽恒雨俱不足爲

斯民病粒食之源庶有賴乎

節錄

友蟬氏曰禹抑鴻水疏滄決排不聞隄防也周官稱人以防止水言用水之法亦非後世所謂隄防隄防之說見於齊威公葵邱之盟白圭因之至於今不易顧其始也因水害而有隄防繼也有隄防而愈受水害雖天實爲之亦人自貽伊戚耳江水發源岷山一日千里極建瓴之勢然其厯瞿塘過灩澦有山峽爲之束灘石爲之障至夷陵而下復疏以九穴道以十三口受水有區故其來甚難去又甚易所以無患也

枝江縣志

卷之三

地理志下

十

承平日久生齒愈繁民無恆產近山者率以開墾爲務每於夏秋急雨雨促土傾土隨雨下奔流入江沙泥日塞所謂穴與口者皆失其舊而貪商往來川楚又以險隘不利舟行併灘石而鑿伐之下旣無所洩而上更無所蓄水之爲患也固宜咸豐十年枝城內外皆沈於水其南北諸垸江心各洲勿論有隄無隄無不向若而嘆有以廢隄爲策者謂無隄防卽無衝突之患而

國賦無資民命莫恃策將焉出嘗讀馬遷河渠書言河

決瓠子廿歲不登既而置薪櫛竹績著宣房河北二
渠復禹舊跡梁楚之地無水災而更享水利循是以
治江是在官事者善爲經營焉

津梁道路

東門橋在城內正街上有武安坊土地

通濟橋在小東門外今改萬民通濟橋乾隆四年縣令

王世爵重修有記

見藝文

阿彌陀佛橋在破隄口南

天生橋名勝志縣南二里有天生橋在三郎溪上兩崖

被江縣志

卷之三

地理志下

十一

扼束若天生然一名天星橋同治四年士民重建

太平橋舊名土橋在天生橋下

三里橋在土橋下

孝義橋卽徐家溪橋距城八里咸豐五年士民重建

洋溪橋在松滋交界萬曆初縣令余能繼重修後圯道

光三年士民重建咸豐十年大水復圯李胡氏獨力

重建石橋兩次始成

沈家橋在陶家湖

三板橋在紫山右

花溪橋在龍泉寺右

洗脚溪橋在縣南其地有學田

見賦役

天佛橋在官塏坪耆老余文廣捐修子恩子惠相繼補修

楊橋子在亂石巖

魏家橋在石門村

清水橋在滙水橋北道光六年邑人尤應祥建

中興橋在清水橋東道光六年邑人尤應祥建

滙水橋一名段橋在上百里洲長湖北乾隆三十年監

校江縣志

卷之三

地理志下

三

生尤泉建今湮

復興橋在上百里洲長湖東乾隆六十年邑庠生尤成

志建道光九年廩生尤應尉重建今湮

恒興橋在滙水橋東嘉慶九年廩貢生尤廷元全姪庠

生宣建道光九年廩生尤應尉重建今湮

永興橋在上百里洲長湖西嘉慶九年廩貢生尤廷元

建道光九年廩生尤應尉重建今湮

胡家大橋在上百里洲覃家坡西嘉慶二十五年孀婦

胡尤氏遵夫胡宗清遺囑建今湮

翁家橋在劉家巷西南乾隆初建今湮
便濟橋在澌洋洲今湮

石橋在澌洋洲今湮

通濟橋在上百里洲謝家坡道光六年尤應祥建今湮
向家橋在董市後

金沙橋卽龍頭橋乾隆丁巳邑人黃奇昌建嘉慶己巳
昌孫河清繼修道光乙巳歲貢生馬士杰監生裴宗
顯等重建同治丙寅職員馬士炯領修尋卒子大坦
繼志完修助成者歲貢生馬士杰職員賀輯五

枝江縣志

卷之三

地理志下

三

雙壽橋在覃家衝邑貢生唐良柱建

幸家橋在仙女廟

謝張橋在呼風廟北

汪家橋在張家衝

得濟橋在江口上乾隆四年耆民吳天璧倡建邑令王

世爵有記

見藝文

白雀橋在江口塘東地多白雀故名一名九梁橋道光
元年邑人吳肅重建咸豐九年士民增修

普興橋在施家岡道光年庠生何汝達職員施燦文建

陳家板橋在射垞堰西當陽枝江南北孔道嘉慶中易以石咸豐中邑民陳應龍領修

湘王橋在草埠明湘獻王建王名柏太祖第十三子也來青橋在董灘北康熙己巳邑人黃甲臣全社王維儒涇陽牛煥然重建乾隆丁酉甲臣孫紹緒重修壬子紹緒孫錫萬兄弟增修邑貢生曹之新有記見藝文

同心橋在掛榜巖下道光九年士民全建二十年大水橋東路壞邑紳鄧起賢及錦耕率眾補修

東門渡在東關外官額設渡夫三名歲給工食及修船

枝江縣志

卷之三

地理志下

古

銀見賦役

北門古渡在縣治北一里

白水渡在縣治北三里

吳家渡在縣治西三里道光九年邑人王檜置厯子秉禮孫正綺曾孫貢生作賓世繼其志

洲洲渡南岸一曰薛家渡

關洲渡凡二南岸曰王家渡北岸渡夫係宜都屬焦岩

子人

漏洲渡南岸一曰李家渡北岸二曰林家渡曰毛家渡

羊角洲渡南岸三曰張家渡曰家渡曰楊家渡

灞洲渡南岸二曰李家渡曰胡家渡北岸三曰黃家渡

曰葉家渡曰李家渡

滄茫溪渡董市上二里

董灘口渡凡四曰李家渡曰傅家渡曰李家渡曰陳家

渡

潁洲渡

蘆洲渡

苦草洲渡

枝江縣志

卷之三

地理志下

五

澌洋洲渡南岸三白彭家渡曰蔡家渡曰胡家渡北岸

二一通蘆洲一通馮口

上百里洲渡南岸五曰王家渡曰戴家渡曰馮口渡曰

香積渡曰流店渡北岸一曰劉巷渡

香積上渡新設

王大人河渡曰黃家渡

趙王河渡曰王家渡

江口渡凡二曰曹家渡曰吳家渡

江口港口渡今補

窰子口渡

新場渡

董市橫街口舊巷狹邑貢生閣大定同弟邑庠生大謙捐基地寬五尺餘長二十餘丈砌以石

迎暉門內北至試院又自試院西南至宣雅門計石路一百四十五丈有奇邑紳閻徽五仝堂弟希周正立一振三捐修

東關外河巷碼頭邑人袁縮砌以石計二十餘丈

龍泉寺山下古路通鶴峯州及湖南澧州爲行旅衝途

枝江縣志

卷之三

地理志下

六

山石聳萃花溪齧其趾每春夏水漲行路維艱人畜或墮水中嘉慶十三年耆民袁宗德砌石路三十餘丈往來稱便後圯子紱倡首重修

學宮前石路一段邑紳李靖祥修

學宮右石路自甬牆右起至福傳山下止嘉慶四年士民公修

南關內石路一段居民公修

西關內後街石路一段居民公修

洋溪石路自下場口南至毛家嶺東至車陽河咸豐四

年杜世瑤世璫全修

友蟬氏曰古者九月除道十月成梁周禮小行人山國澤國各有節式一時往來跋涉不憂道梗王政之經營於是重焉枝江上通巴蜀下接荆吳南走湖湘北隣襄鄧亦四達之區也夫當

皇路蕩平道第悉芟迷津無阻幸矣一旦煙塵告警山谿爲固或當道而斷橋或沿江而截渡使川陸之程我皆可據舟車之利敵無所資古人於此固有扼要以圖者至於川游有禁橫行經踰有禁無敢狎而玩

枝江縣志

卷之三

地理志下

七

亦無敢背而馳守土者誠得其精意之所存謹關梁修道路數百里內常履坦途九十洲邊俱占利涉以是揚

同軌之庥聽康衢之頌又何用乘輿溱洧屑屑焉效鄭僞之所爲乎